



UNIVERSITÄTS-
BIBLIOTHEK
PADERBORN

**Cursus Biennalis Studii Canonici, Sive Succincta Et
Methodica Sacrorum Canonum Explanatio**

Engelhard, Johann Martin

Moguntiae, 1700

Titvlvs IV. De Sponsa Duorum.

[urn:nbn:de:hbz:466:1-63255](https://nbn-resolving.org/urn:nbn:de:hbz:466:1-63255)

nio sunt omnes, etiam consanguinei, domestici, famas, mulieres, &c. quia de qualitatibus testium nihil speciale statuit Concilium; necesse tamen est ante benedictionem præmittatur, trina denuntiatio inter missarum solemnias facienda; in qua Episcopus dispensare potest.

QUÆRES 5. Cùm in sacramentis à Christo institutis teste *Tridentin. sess. 21. c. 1. de Conventione*, nil possit mutari, quomodo Concilium poterit introducere nullitatem matrimonii clandestini? Respond. Concilium nihil mutavit in sacramentis, sed tantum irritavit contractum, qui legibus sub iure non valente, non ponitur sacramentum.

QUÆRES 6. An matrimonium clandestinè contractum valeat saltem in vim sponsaliorum? Resp. Negativè, quia Concilium Tridentinum illegitimum actum declarat omnino nullum & irritum, in quo tamen dici non posset, si obligationem produceret.

QUÆRES 7. An etiam nulla sint sponsalia clandestina? Respond. Valent cum cessent rationes ob quas publica celebratio matrimonii introducta est.

TITVLVS IV.

De

Sponsa Duorum.

QUÆRES 1. Quid præsentè *tit. prohibetur*? Resp. Prohiberi polygamiam propriè & impropriè dictam. Nam Catholica & à *Trid. sess. 29. can. 2.* definita veritas est, Christianis illicitam esse Polygamiam, cum enim non

ceat unâ uxore dimissâ aliam ducere *Matth. 19* multo minus priore retentâ secundam ducere licebit. quod hic nomine polygamie improprie acceptæ venit; polygamia autem proprie dicta, est pluralitas maritorum, quæ omni Jure semper & ubique prohibita fuit, ut pote quæ propter commixtionem seminis, prolis patrisque incertitudinem, & plurimas confusiones in Republicam promanantes ipsi videbatur naturæ contraria.

OBJICIES. Polygamia improprie dicta olim permessa fuit, ergo non erit illicita. Respond, Pluralitas uxorum olim quidem permessa erat, ut ab exemplo Abrahamæ, & aliorum Patrum Vet. Test. patet, eam tamen in novâ lege Christus sustulit, & matrimonium ad primævam suam naturam reduxit quæ exigebat, ut singuli singulis conjungerentur.

QUÆRES 2. Quæ sit pœna eorum qui cum duabus contrahunt? Respond, Si quis cum duabus contrahat præter nullitatem actus excommunicationem incurrit. Si cum duabus de præsentem, priorem habere debet, *c. 1. Sult. h. t.* Si cum duabus de futuro, similiter prior lus habet, posterior nullum, ex regula generali *qui prior tempore potior jure*; Si cum unâ de præsentem cum alterâ de futuro, illam retinebit, cum quâ de præsentem contraxit *dist. c. 1.* dicta primo & secundo casu procedunt, etiam si posterior carnaliter cognita esset *c. 5. b. t.* quia per talem copulam jus alteri quæsitum auferri non potest, quanquam Theologi, quidam censeant sponsam priorem de futuro, intactam, ex charitate Juri suo cedere debere, si secunda carnaliter cognita sit, quod pro foro conscientie admitti potest.

TITU.